

3. ԱՐԵՎՄՏԱԼԱՅ ԲՈՒՐԺՈՒԱԶԻԱՅԻ ՈՒ ՊՐՈԼԵՏԱՐԻԱՏԻ ԶԵՎԱՎՈՐՈՒՄԸ

Արևմտահայ բուրժուազիայի ու պրոլետարիատի ձևավորումը տեղի էր ունենում սուլթանական բռնապետության հայահալած և եվրոպական տերությունների Թուրքիայում վարած զաղութային քաղաքականության պայմաններում:

Բուրժուազիայի առանձին հատվածներ, մասնավորապես վաշխառական շերտերը, արևմտահայ իրականության մեջ ձևավորվեցին ավելի շուտ: Կ. Պոլսում հաստատված հայ մեծահարուստների մի մասը սուլթանների արքունիքում վստահություն էր ձեռք բերել և պատասխանատու պաշտոններ էր վարում: Նրանք հիմնականում զբաղվում էին վաշխառությամբ (սեղանավորությամբ կամ սառահյուսությամբ), վարկավորելու փաշաներին կամ այլ պաշտոնյաների, վաճառականներին, անգամ սուլթաններին: XIX դարի առաջին կեսին ամիրաները կազմեցին սեղանավորների մի «հսկա ընկերություն»՝ անատոլիական ու ռումելիական մասնաճյուղերով: Առաջինն իր գործակալների միջոցով հավաքում էր Անատոլիայի, իսկ երկրորդը՝ Ռումելիայի պետական հարկերը²⁹:

Արևմտահայ վաշխառական բուրժուազիան առավել ազդեցիկ էր XIX դարի առաջին կեսին, Ղրիմի պատերազմից հետո, երբ Թուրքիայում հաստատվեցին արտասահմանյան բանկերը, հայ սեղանավորների դերն ընկավ: Նրանք գերազանցապես սկսեցին գործել ազգային միջավայրում: Հայ վաշխառուները տարբեր գործարքներ էին կնքում անմիջական արտագործների հետ: Նրանք տոկոսով պարտք էին տալիս և շահույթը ստանում զրամով, գյուղատնտեսական մթերքներով, անասուններով կամ պարտքի դիմաց խլում էին պարտապանների հողամասը³⁰:

XIX դարի 80—90-ական թվականներին և հատկապես XX դարի սկզբին արևմտահայ վաշխառական կապիտալն սկսեց արտաձգվել նորելուկ թուրքական վաշխառական կապիտալի կողմից: «Այսօր Փոքր Ասիայի մեջ չկա մի գիւղ,— գրում էր «Երկրի ձայն» թերթը,— ուր կարևոր դեր չխաղալ... Թուրքերուն զրամագլուխը, իսկ քաղմաթիւ են այնպիսի գիւղեր, որոնք զրեթէ ամբողջովին մաս կը կաղմեն հարուստ թիւրքի զրամագլխին»³¹: Այնուամենայնիվ, հայ վաշխառուները երկրի մի շարք շրջաններում դեռ առաջնակարգ դեր էին խաղում:

XIX դարի կեսերին Թուրքիայի՝ կապիտալիստական աշխարհին մերձեցման հետևանքով աշխուժացավ արևմտահայ առևտրական բուրժուազիան: Կ. Պոլսի սառահյուսներից կամ սեղանավորներից շատերը, թողնելով վաշխառությունը, զարկ տվին առևտրին: Կ. Պոլսում ու եվրոպական քաղաքներում նրանք հիմնեցին առևտրական տներ և սկսեցին զբաղվել գերազանցապես մանուֆակտուրային ու երկաթեղեն ապրանքների առևտրով: Նրանց գործարքները ուժեղացան նաև Եգիպտոսում, Սիրիայում, Լիբանանում, Կիլիկիայում և

²⁹ Տե՛ս «Մասնակի պատմութիւն հայ մեծատուններու 1400-էն 1900», գրեց Յ. Գ. Մ., Կ. Պոլիս, 1909, էջ 130:

³⁰ Արևմտյան Հայաստանի մի շարք շրջաններում, մասնավորապես Տարսուսում ու Վասպուրականում, վաշխառությունը հայտնի էր արաբական սելեֆ, սալաֆ կամ սըլեֆ անուններով, որ նշանակում էր կանխավճար:

³¹ «Երկրի ձայն», 1906, № 8, էջ 14:

Սև ծովի հարավային շրջաններում: Կահիրեում ու Ալեքսանդրիայում հայ առևտրականները հուլավկեցին ոսկու, Ադանայում, Մարաշում, Տարսոսում, Մերսինում՝ բամբակի ու արմատեղենների, Սամսունում, Տրապիզոնում և Ամասիայում՝ մանուֆակտուրային ապրանքների առևտրով: Նրանցից ոմանք նշանավորվեցին նույնիսկ Ռուսիայի ցորենի առուծախով: 1875 թ. հայերը Ամերիկայի Միացյալ Նահանգներ էին արտահանում ասիական զանազան գործվածքներ, հատկապես գորգեր:

Արևմտահայ առևտրական բուրժուազիան որոշակի դեր էր խաղում նաև Քուրդիայի ցամաքային առևտրում: Քոբառում, Կեսարիայում, Զիլեում, Մարզվանում, Յոզղատում և այլ քաղաքներում հայ վաճառականներն իրենց ձեռքն էին վերցրել առևտրի բազմաթիվ ճյուղեր: XIX դարի 60—70-ական թվականներին Արևմտյան Հայաստանում հանդես եկան մի շարք հարուստ վաճառականներ: Նրանցից շատերը կազմեցին առևտրական միություններ կամ ընկերություններ: Սակայն այստեղ մեծագույն առևտրականները սակավաթիվ էին: Այսպես, Վանում 1889 թ. կար 276 վաճառական, որոնցից 6-ն ունեւ 5000—10000, 20-ը՝ 1000—2500, իսկ մնացած 250-ը՝ 200—1000 անգլիական ոսկի³²: Մեծագույն աղբյուրներն ունեին իրենց գործակալները՝ օղաչիները³³, որոնք նրանց ապրանքը իրացնում էին երկրի զանազան քաղաքներում ու գյուղերում:

Դարավերջին սկսեց ուժեղանալ թուրքական առևտրական բուրժուազիան: Թուրքերն իրենց ձեռքն առան անասունների և անասնապահական մթերքների առևտուրը: Մասնաֆակտուրան, մանրավաճառքները և նմանօրինակ առևտրականներն, ուր չէին երևնար մահմեդականները, սկսած են այժմ նույնպես անոնք զրաւել³⁴: Չնայած այդ վայրէջքին, արևմտահայ առևտրական բուրժուազիան դեռ կարևոր դեր էր խաղում Քուրդիայի ու Արևմտյան Հայաստանի անտեսական կյանքում:

Առևտրական կապիտալի զարգացումը զրական դեր էր կատարում քաղաքի ու գյուղի միջև տնտեսական կապերի ամրապնդման և, հետևաբար, ներքին շուկայի ընդլայնման գործում: Այն նպաստում էր նաև հետամնաց Թուրքիայի մերձեցմանը առաջավոր կապիտալիստական աշխարհին: «Վաճառականը,— գրում է Ֆ. Էնգելսը,— հեղափոխող տարրն է այն հասարակության մեջ, որտեղ առաջ ամեն ինչ անշարժ էր»³⁵:

XVIII դարի վերջերից և հատկապես XIX դարի առաջին կեսին արևմտահայ առևտրավաշխատական կապիտալը որոշակի քայլեր է կատարում շրջանառության ոլորտից արտադրության ոլորտն անցնելու ուղղությամբ: Ամիրանների մի մասը, հատկապես Տատյանների նշանավոր գերդաստանը ակտիվորեն մասնակցում էր թուրքական սյետության ձեռնարկած գործարանների ու ֆաբրիկաների կառուցմանը: Կայսրության մայրաքաղաքում և ծովափնյա որոշ վայրերում մեկը մյուսի հտեից բացվում են գործարաններ ու ֆաբրիկաներ: Դարի վերջերին դրանց թիվն արդեն հասնում էր 1500-ի, որոն-

³² Տե՛ս «Մշակ», 1889, հունիսի 17, № 67:

³³ Թուրքերեն *odacı* բառից, որ նշանակում է ցրիչ:

³⁴ *եփրիկ ձալն*, 1906, № 9, էջ 13:

³⁵ К. Маркс и Ф. Энгельс, Сочинения, т. 25, ч. II, издание второе, М., 1972, стр. 475.

ցից 60-ն ուներ ժամանակակից սարքավորում³⁶։ Այդ ձեռնարկությունների մի զգալի մասը կառուցում են հայ կապիտալիստները։ Այսպես, 60—70-ական թվականներին նրանք Կ. Պոլսում հիմնում են նավաշինական գործարան ու ծխախոտի մշակման ֆաբրիկա, 70—80-ական թվականներին Զմյուռնիայի մերձակայքում ընկած Գրըգաղաճ քաղաքում՝ բամբակի մշակման, ալյուրի ու ձեթի արտադրության գործարաններ, 80—90-ական թվականներին Եգիպտոսում (մասնավորապես Ալեքսանդրիայում ու Կիզայում) և Սիրիայում՝ ծխախոտի, երկաթի մշակման և կտավի արտադրության ֆաբրիկաներ³⁷։

Հայ կապիտալիստներն արդյունաբերական օջախներ են հիմնում կայսրությունյան նաև արևելյան շրջաններում։ Դեռ 1850-ական թվականների սկզբներին նրանք կառուցում են կտավագործական գործարաններ Այնթապում, ապա Մարաշում և Արաբկիրում, այնուհետև՝ Կեսարիայում, Մարզվանում, Ուրֆայում, Ամասիայում և այլուր։

Սակայն սուլթանական կառավարությունը, ելնելով թուրքական նոր զարգացող բուրժուազիայի շահերից, արգելակում էր ոչ միայն արևմտահայ առևտրավաշխառուական, այլև արդյունաբերական բուրժուազիայի զարգացումը։ Թուրքական կառավարության հայահալած և եվրոպական տերությունների դադուխային քաղաքականության պատճառով արևմտահայ արդյունաբերական բուրժուազիան առևտրավաշխառուական բուրժուազիայի համեմատությամբ թույլ էր զարգացած։ Այդուհանդերձ, հայ արդյունաբերական բուրժուազիան կարևոր դեր էր խաղում Թուրքիայի տնտեսական կյանքում։ Առաջին համաշխարհային պատերազմի նախօրյակին երկրի 284 ձեռնարկությունների 50%-ը պատկանում էր հուլիներին, 20%-ը՝ հայերին, 15%-ը՝ թուրքերին, 10%-ը՝ օտարերկրացիներին և 5%-ը՝ հրեաներին։ Արդյունաբերության մի շարք ճյուղերում հայ բուրժուազիան նույնիսկ գերիշխող էր։

XIX դարի երկրորդ կեսին արևմտահայ իրականության մեջ ձևավորվում է նաև պրոլետարիատը։ Նրա առաջացումը տեղի է ունենում քաղաքային արհեստավորների ու մանր ապրանքարտադրողների և գյուղի աշխատավոր զանգրվածների քայքայման ու աղքատացման հետևանքով։ Արևմտաեվրոպական արդյունաբերական ապրանքների ներթափանցումը Օսմանյան կայսրություն մեծ հարված հասցրեց տեղական արտադրությանը և էսնաֆությանը։ 1891 թ. «Մշակը» գրում էր. «Էսնաֆական նախկին կարգերից այժմ միայն թշվառ փշրանքներ են մնացել։ Նահապետական պարզությունը վերանում է, բարբերը խանգարվում են, ամեն ինչ տակն ու վրա է եղել»³⁸։ Մյուս կողմից՝ ապրանքային արտադրության զարգացումը Արևմտյան Հայաստանի քաղաքներում մանրարտադրողների ու արհեստավորների մեջ առաջ էր բերում սոցիալական շերտավորում։ Այդ շերտավորման մասին կարելի է մոտավոր պատկերացում կազմել հետևյալ տեղեկություններից.

³⁶ Տե՛ս Օ. Գ. Инджикян, Буржуазия Османской империи, Ереван, 1974, стр. 214.

³⁷ Տե՛ս «Մշակ», 1881, հոկտեմբերի 7 (№ 178)։ «Մասիս», 1881, օգոստոսի 27, Մ. Մերմբեան, Թուրքահայոց հին վաճառականություն և վաճառական (1740—1890), Կ. Պոլիս, 1908, էջ 131։ Զ. Քոսեան, Հայքի Զմիտնիա և ի շրջակայս, հատ. Բ, Վիեննա, 1899, էջ 149—150։ Արշակ Ալպայանեան, Արաբական միացեալ հանրապետութեան Եգիպտոսի նահանգը և հայերը (ի սկզբանէն մինչև մեր օրերը), Գահիրէ, 1960, էջ 191—194։

³⁸ «Մշակ», 1891, հունիսի 20 (№ 68)։

1873 թ. «Արծւի Վասպուրականը» գրում էր. Վանում բնակիչներից «հարիրէն 5-ը խիստ լաւ կապրին, 45-ը՝ միջակ, իսկ 50-ը՝ վատ»³⁹։ Հետագայում չքավորների թիվն այդ քաղաքում գնալով մեծանում է։ 1900-ական թվականների սկզբներին ուսումնասիրողներից մեկը Վանի բնակիչներին բաժանել է չորս խմբի՝ առաջին խմբի մեջ մտնում էին նրանք, ովքեր ունեին տարեկան 60—100 լիրայի եկամուտ, երկրորդում՝ նրանք, ովքեր «ինչ որ շահում են, նույնութեամբ գործածում են», երրորդում՝ նրանք, ովքեր «իրենց վաստակով շատ անգամ չկարողանալով ապրել, պարտք են անում» և չորրորդում՝ նրանք, ովքեր ապրում են վարձու աշխատանքով ու մուրացկանութեամբ։ Առաջին խումբը կազմում էր քաղաքի բնակչության 2%-ը, երկրորդը՝ 20, երրորդը՝ 70, իսկ չորրորդը՝ 8%-ը⁴⁰։ Եթե առաջին խումբը համարենք հարուստների, երկրորդը՝ միջակների, իսկ երրորդն ու չորրորդը՝ չքավորների, ապա կտեսնենք, որ Վանի կիսապրոլետարական ու պրոլետարական բնակչության տոկոսը XX դ. սկզբին արդեն հասնում էր 78-ի։ Հայ քաղաքային բնակչության սոցիալական շերտավորման պատկերը մոտավորապես այդպիսին էր նաև երկրի մյուս քաղաքներում։ 1875 թ. մի հաղորդման մեջ նշվում էր, որ Թոքատում «հարուստք սակավաթիւ են, կան արհեստավորներ, որ միջակ դիրքով կ'ապրին... դարձյալ աղքատը մեծ մաս կը կազմեն»⁴¹։

Տնտեսապես քայքայվող արևմտահայերն ու մանր արտադրողները ստիպված էին դիմել վարձու աշխատանքի և համարել պրոլետարիատի շարքերը։

Սակայն արևմտահայ պրոլետարիատը ստվարանում էր ոչ այնքան քաղաքի ստորին շերտերի, որքան ընչազուրկ գյուղացիության հաշվին։ Թուրքական կառավարության հայահալած քաղաքականությունը, աղաների դաժան հարստահարումը, անձի և գույքի անապահովությունը, հաճախակի կրկնվող անբերրիությունն ու սովը նորանոր զանգվածներ էին արտամղում գյուղացիության շարքերից, որոնք բռնում էին քաղաքի ճամփան։ Նրանք վարձվում էին Արևմտյան Հայաստանի արդյունաբերական կենտրոններում։ Միայն Սեֆաստիայի կուսակալության գորգագործության մեջ աշխատում էր 4000—4500 բանվոր, Խարբերդի մետաքսագործական ֆաբրիկայում՝ 300, Արաբկիրի կտավագործական արհեստանոցներում՝ 1000, Վանի նույն տիպի ձեռնարկություններում՝ շուրջ 1500, Կարինի ծխախոտի ֆաբրիկայում՝ ավելի քան 50 բանվոր և այլն⁴²։

Բայց Արևմտյան Հայաստանի մի քանի տասնյակ մանր ու միջին և սակավաթիվ խոշոր ձեռնարկությունները, ինչպես նաև մինչևկապիտալիստական լեզանակներով իրենց տնտեսությունը վարող աղաները կամ նորաթուխ գյուղական կուլակները չէին կարող աշխատանքով ապահովել արտադրության միջոցներից զրկվածների ստվարաթիվ բազմությունը։

Այդ պատճառով էլ աղքատացած զանգվածները հարկադրված էին թողնել հայրենիքը և աշխատանք որոնել Թուրքիայի արևմտյան քաղաքներում, հատկապես Կ. Պոլսում։ Միայն 1878 թ. արտագնացության դիմեցին Վանի գավառից 38000, Մուշի գավառից՝ 17000, Սղերդի գավառից՝ 5000, Քըղիի գավառ-

39 «Արծւի Վասպուրական», 1873, մարտի 17։

40 ՏԵՍ «Մուրճ», 1904, № 9, էջ 33—34։

41 Ա. Ալալյանեան, Պատմութիւն Եվդոկիոյ հայոց, Գահիրե, 1952, էջ 1303։

42 ՏԵՍ «Բյուրական», 1907, էջ 1844։ Ա. Ս. Համբարյան, Ազրաբային հարաբերությունները Արևմտյան Հայաստանում (1856—1914), էջ 190, 193, 195։

ոից՝ 3000, Բիթլիսի գավառից՝ 2800, Քեմախի գավառակից՝ 2000, Դեռլանի գավառակից՝ 1000 մարդ⁴³:

80-ական թվականներին Արևմտյան Հայաստանի գրեթե բոլոր գյուղերն արտագնացներ ունեին: 1887 թ. «Արձագանք»-ը գրում էր. «Այժմ պանդխտության վարակումը ծալալած է ամեն գիւղ, ամեն խրճիթ: Իւրաքանչիւր ընտանիք իւր թույն նայելով 1—2 և մինչև 4 ու 5 պանդխտներ ունի այսօր: Օրինակի համար Մուշի խապհուղը, որ ունի 250 տուն, ունի 300—400 պանդխտ, Նորշենն՝ 200 տուն և ունի 300 պանդխտ, Բերդակ՝ 120 տուն, ունի 200 պանդխտ... այսպես և միւս գիւղերը, աւաններն ու քաղաքները»⁴⁴:

Տղամարդկանց հետ միասին արտագնացության են դիմում նաև կանայք: 1880-ական թվականներին Բաֆֆին գրում էր. «Առաջ գնում էին միայն տղամարդիկ, իսկ այժմ կանայք նույնպես սկսել են օտար երկրներում բախտ որոնել: Վանեցի կիներ, որ իր տան ծածկի տակից չէր դուրս գալիս, որ նրա երեսը մի ուրիշ մարդ շտաններ, այժմ պանդխտության մեջ վատնում է իր ավանդական համեստությունը»⁴⁵:

Արտագնացները վարձվում էին Թուրքիայի գործարաններում ու արդյունաբերական այլ ձեռնարկություններում: Կ. Պոլսի պողպատաձուլական գործարանում դարավերջին աշխատում էր ավելի քան 3000 բանվոր, Սիրիայի մահաբուդի ձեռնարկություններում՝ 6000, Կեսարիայի կտավագործական արհեստանոցներում՝ 3000, Ալեքսապի նույն տիպի ձեռնարկություններում՝ 6000, կայսրության բոլոր գորգագործական գործարաններում ու արհեստանոցներում՝ 4000 տարբեր ազգությունների, այդ թվում նաև հայ բանվոր⁴⁶:

Արևմտահայ արտագնացները համալրում էին նաև Թուրքիայի գյուղական պրոլետարիատի շարքերը: Նրանք գնում էին Կիլիկիա, վարձվում Ադանայի բամբակի պլանտացիաներում, աշխատում որոշ ժամանակ և աշնանը հտվերադառնում: Հաջորդ գարնանն ու ամռանը նրանք իրենց հետ տանում էին նորերին և տարեցտարի ավելանում էր արտագնացների թիվը: 80-ական թվականներին Ադանայի կուսակալությունում և նրա հարակից շրջաններում տարեկան աշխատում էին հազարավոր սեղոնային բատրակներ, որոնց զգալի մասը հայեր էին⁴⁷: Բացի Կիլիկիայից, արևմտահայ արտագնացները գնում էին նաև Միջագետք, Կենտրոնական Անատոլիայի հարթավայրային շրջաններ, սևծովյան ափերը և աշխատում գյուղատնտեսության տարբեր բնագավառներում:

Արևմտահայ բանվորները ենթարկվում էին դաժան շահագործման: Ձեռնարկատերերը նրանց աշխատեցնում էին այնքան, որքան ցանկանում էին, քանի որ աշխատանքի որոշակի տևողություն չէր սահմանված: Շատ տեղերում բանվորները զուրկ էին անգամ հանգստյան օրերից: «Վտակը» գրում էր, որ Դիարբեքիում Երանվորները կաշխատին այնքան, որքան իրենց գործատեր աղան կամ վարպետ-արհեստաւորը կը հրամայէ: Շատ բանվորներ գործի առատութեան ժամանակ ամբողջ 2 օրայ ընթացքի մեջ հաղիւ կը կարողանան

43 Տե՛ս Հայկական ՍՍՀ Գրականության և արվեստի թանգարան, Բ. Ազատյանի արխիվ, գ. 40, թ. 6, գ. 47, թ. 23, գ. 49, թ. 6, գ. 57, թ. 87, գ. 59, թ. 7:

44 «Արձագանք», 1887, էջ 269:

45 Բաֆֆի, Նրկեր, հ. 5, էջ 40:

46 Տե՛ս Օ. Գ. Инджикян, նշված աշխ., էջ 214, 216, 223:

47 Տե՛ս նույն տեղում, էջ 108:

Տ ժամայ քուն-հանգիստ վայելել: Կօշկակար ու ղերծակ բանտրներու դրութիւնը տօներու նախորդ շաբաթներուն սոսկալի է, կաշխատին գիշեր ու ցորեկ անընդհատ, և այսպէս քանի մը օրեր շարունակաբար, առանց հանգստի, առանց դադարի»⁴⁸:

Աշխատանքային օրվա տևողութիւնն ավելի երկար էր ցրված մասնութակտորաներում: Գնորդ-առևտրականները տնայնագործներին ստիպում էին աշխատել գիշեր ու ցերեկ և օգտվելով այն բանից, որ նրանք բանում էին իրենց տներում, շահագործում էին նաև նրանց ընտանիքի անդամներին, քանի որ տնայնագործը երբ պառկում էր հանգստանալու, նրա գործը շարունակում էին կինն ու երեխաները⁴⁹:

Թուրքական կառավարութիւնը չէր սահմանել բանվորական աշխատավարձի որոշակի չափեր: Ձեռնարկատերերն էլ օգտվելով դրանից և աշխատուժի առատութիւնից, դաժան շահագործման դիմաց գործավորներին չնչին գումար էին վճարում:

XIX դարի 80—90-ական թվականներին Թուրքիայում ամենաբարձր աշխատավարձ ստանում էին հանքահորերում ու ձուլարաններում աշխատողները՝ օրական 18—20 դուրուշ: Տնտեսութեան մնացած ճյուղերում նրանք վարձատրվում էին անհամեմատ ցածր: Կարինում ատաղձագործն ստանում էր օրական 8 դուրուշ, խարբերդում՝ հյուանը՝ 8 դուրուշ, Թոքատում պղնձագործը՝ 5—6 դուրուշ, Վանում մստնագետ-բանվորների մոտ 70%—ը՝ 2—3 դուրուշ և այլն⁵⁰: Այսպիսով, տղամարդ բանվորները օրական ստանում էին միջին հաշվով 6 դուրուշ:

Կանայք ավելի ցածր էին վարձատրվում: Նրանց օրական միջին վարձը կազմում էր մոտ 3,5 դուրուշ: Ինչ վերաբերում է ղեռահասներին, ապա տղաները ստանում էին օրական 2—3, իսկ աղջիկները՝ 1—1,5 դուրուշ:

Բանվորները չկարողանալով վաստակել ընտանիքին անհրաժեշտ սննդի գումարը, մի կերպ քարշ էին տալիս իրենց գոյութիւնը: Կ. Պոլսում նրանք «պանիր, հաց և կամ մածոնաթան (ուտիքի օրեր), սոխ, հաց (պահած օրեր) և կամ շուրի մեջ հաց թաթախելով կուտեն: Երբեմն ալ մի քիչ լոբիա կլցնեն շուրին մեջ ու խաշելով կուտեն: Մսախառն կերակուր... ամսին մեջ հազիվ մի կամ երկու անգամ կպատահէր, որ ուտեն, այն ալ... հոտած տեսակեն»⁵¹:

48 «Վտակ», 1908, մարտի 1 (№ 47):

49 Հատկանշական է, որ ապրանքակապիտալիստական արտադրութեան պայմաններում աշխատօրը երկար ու տևական էր նաև տնտեսապես քայքայված կամ քայքայվող արհեստավորների համար: Զգաւելով պահպանել իրենց գոյութիւնը, նրանք նույնպէս աշխատում էին օր ու գիշեր: 1897 թ. «Բիւզանդիոնը» գրում էր. Վանում «թէ խանութպաններ, և թէ արհեստավորներ ընդհանրապէս արևի ծագելէն ժամ մը, ժամ ու կէս լետոյ կսկսին գործը, իսկ երեկոյան ևս ժամի 10 1/2-ին կը դադարին գործել» («Բիւզանդիոն», 1897, մարտի 15, № 112): Սակայն արհեստավորները չէին կարողանում խուսափել քայքայումից: Գնալով նրանց ծախսերը գերազանցում էին եկամուտներին: «Մուրճը» գրում էր, թէ Վանի արհեստավորը տարեկան 20 լիրայի մոտք ունի, բայց «20—25 և նույնիսկ 30 լիրայի ելք է ունենում» («Մուրճ», 1904, № 9, էջ 27):

50 Տե՛ս «Сборник географических, топографических и статистических материалов по Азии», вып. LXVI, Записки о Малой Азии, Генерального штаба полковника Пута-та, СПб., 1896, стр. 106; Лунк, Армения, путевые очерки и этюды, т. II, стр. 278. «Մուրճ», 1904, № 9, էջ 27: «Մշակ», 1890, № 81:

51 «Մշակ», 1877, օգոստոսի 25 (№ 61): Հատկանշական է, որ տնտեսական քայքայման հետևանքով վերին աստիճանի ցածր էր նաև կիսապրոլետարացված արհեստավորների կենսա-

Անտանեկի էին բանվորների բնակարանային պայմանները: Նրանց մի մասն ապրում էր կիսախարխուլ տնակներում ու հյուղակներում, մի մասը վարձում էր այգյախի բնակարաններ, մի մասն էլ՝ գերազանցապես զավառներից Կ. Պոլսի եկամենները, բարձր էին գալիս եկեղեցիների գավիթներում, բարվանսարաններում, գետնախորշերում: Նրանց կացությունն ուսումնասիրող բժիշկներից մեկը գրում էր, որ արտագնացներից շատերը ապրում էին մայրաքաղաքի Գասում փաշա կոչված թաղի այնպիսի տնակներում, որտեղ թփրված պատերէն ամեն օր հող և բար վար կը թափին, մութ և խոնավ տեղեր՝ ոյց հետ բաղդատելով գաղանի որջերն աւելի վայելչութիւն ունին: Մայրաքաղաքի Լրդատ բաղաբի Սարճարանների տակէն գետնափոր տեղերէ զեղնած երեսներով մարդեր դուրս կելնէն պատռուած և կեղտոտ շորեր հագած: Ահա այդ մարդեր կայաստանցիներ են. 18—20—25 տարեկան երիտասարդներ... սոցա մէջ կգտուին 10—12 տարեկան պատանեակներ ալ, որպէս նաև կատարեալ հասակաւորներ և ծերեր... Խեղճերն այդ գետնափոր տեղեր խմբովին կը պառկին խիտ առ խիտ, հայր, որդի, եղբայր, դրացի, 10—15 անձ միասին, որպեսզի վարձն աւելի աժանագին լինի...»⁵²:

Սանր էին նաև բանվորների աշխատանքային պայմանները: Գործարաններում ու հանքահորերում չէին պահպանված նրանց կյանքի ապահովման տարրական կանոնները: Դրա հետևանքով գործավորները հաճախ վնասվածքներ էին ստանում, հիվանդանում ու դառնում հաշմանգամ:

Հատկանշական է, որ արևմտահայ ընչազուրկ զանգվածները շատ հաճախ չէին կարողանում աշխատանք գտնել անգամ այդպիսի ծանր պայմաններով: Գործազրկությունն ու կյանքի անտանելի պայմանները ստիպում էին նրանց թողնել Թուրքիան, անցնել արտասահման և համարել միջազգային պրոլետարիատի շարքերը:

Ապրանքային արտադրությունը Արևմտյան Հայաստանի գյուղերում նույնպես ստեղծում էր սոցիալական շերտավորում: Տնտեսապես քայքայված գյուղացիների մի զգալի մասը հարկադրված վարձվում էր աղանակի ու հարուստ գյուղացիների մոտ և կատարում նրանց տնային ու հատկապես դաշտային բաղձաթիվ աշխատանքները: Այդ գյուղացիները վարձվում էին սովորաբար օրերով ու սեզոններով, բայց հաճախ նաև տարիներով: Աղանակն ու հարուստները վարձում էին այնքան բատրակներ, որքան կարողանում էին և ամենափորձվածին ու ձեռներեցին նշանակում ավագ մշակ, հանձնարարելով նրան բոլոր մշակների աշխատանքների կազմակերպումն ու հսկողությունը: Զաւրահասներին հետ մեկտեղ տները վարձում էին նաև երեխաներին ու աշխատեցնում իբրև հոտաղներ, ջրկիրներ կամ տնային սպասավորներ: Նրանք երեխաներին նույնպես վարձում էին տարբեր ժամկետներով, հաճախ վաղ գար-

մակարդակը: Վանի շահ բնակչության մեջ հազիւ քսան ընտանիք կար, որոնք ունեւոր կը համարուէին և բնականաբար լավ կապրէին. բարեկեցիկ վիճակ ունէին մաս մը խանութպաններ, արհեստանոցներու վարպետ տիրեր..., իսկ աղքատները, աշխատատու ձեռք չունեցողները, ոտքի վրա գործ ընողները, որոնք մեծ թիւ մը կը կազմէին, պարզապէս ցամաք հացով կապրէին, ջրէի մը ծածիկ, գլուխ մը սոխ կամ աղած բանջար, էթէ այդ ամէն օր ունենային» (Մալխաս, ժամատու վրա, հատ. Ա, Նիւ-Յորք, 1950, էջ 105—106):

⁵² «Մշակ», 1877, «գոստոսի 23 (№ 61):

նանից մինչև ուշ աշուն⁵³։ Երկրի մի շարք շրջաններում այդ ժամանակահատվածը կոչվում էր հորթնթող։

Վարձու աշխատանքի կիրառումն ինչպես ամենուր, այնպես էլ Արևմտյան Հայաստանում կապիտալիստական հարաբերությունների դարգացած ձևերի դրսևորումն էր։ Սակայն Արևմտյան Հայաստանում այդ ձևը տակավին թույլ էր, իսկ առավել տարածվածը կապիտալիստական հարաբերությունների նախնական կամ սաղմնային ձևն էր։

Արևմտահայ գյուղական պրոլետարիատը ենթարկվում էր դաժան շահագործման ու ճնշման։ Աղաներն ու հարուստ գյուղացիները բատրակներին շնչին վճարով աշխատեցնում էին վաղ լուսաբացից մինչև ուշ երեկո։ Բուլանբխում ձմեռվա երեք ամսվա համար մշակին տալիս էին հագուստ ու դրամ կամ բոլորը գումարով արտահանությամբ՝ 4,47—5,41 ուրլի։ Ամռան ամիսների համար վճարում էին 44—54 փութ ցորեն, մի զույգ գուլպա, շապիկ, գլխի փաթեթ և արա⁵⁴։ Դիարբեքի կուսակալության Հազոյի դաշտում մեկ տարվա աշխատանքի համար մշակին տալիս էին 35—40 փութ ցորեն⁵⁵։ Ավելի ցածր էին վարձատրում երիտասարդներին։ Մուշի դաշտում նրանց տալիս էին 3 շնիկ գարի, 3 շնիկ ցորեն, 3 շնիկ գլխի (մեկ շնիկը հավասար է 2 կոտի կամ փթի)։ շապիկ ու վարտիք և ուտելիք։ Այդ բոլորը ձեռք էր դրամի վերածենք, միջին հաշվով՝ ինն ամսույց վարձքը կրլա իննսուն առ առավելն հարիւրսան դուրուշ, կամ ամիսը՝ տաս-տասներկու դուրուշ⁵⁶։ Ուրեմն, չափահաս մշակը օրական ստանում էր 2—3, անչափահասը՝ 0,4 դուրուշ կամ առաջինը՝ 12—18, իսկ երկրորդը՝ 1,5 կոպեկ։ Սակայն աղաներն ու գյուղական հարուստները հաճախ չէին վճարում կամ զանազան պատրվակներով կրճատում էին անգամ այդ շնչին վարձը և բատրակներին դատեցնելով, դատարկ վունդում էին։

Թուրքիայում ու Արևմտյան Հայաստանում աշխատավորների դժոխային կացությունը պայմանավորված էր ոչ միայն տիրապետող բուրժուական կարգերով, այլև նրանով, որ պրոլետարիատը իբրև դասակարգ նոր էր ձևավորվում և դեռևս չէր դարձել այնպիսի ուժ, որ կարողանար կազմակերպված պայքարով բարելավել իր դրությունը։ Բանվորները ոչ այնքան կենտրոնացված էին խոշոր արդյունաբերական գործարաններում ու ֆաբրիկաներում, որքան ցրված էին միջին ու հատկապես մանր արհեստանոցներում։ Նրանց մոտ դեռ թույլ էր ինտերնացիոնալ համախմբվածությունը և դասակարգային ինքնագիտակցությունը։ Չկար նրանց ղեկավարող և ուղղություն տվող պրոլետարական կուսակցություն, որը կազմակերպեր բոլոր ճնշվածների պայքարը։ Կոփեր նրանց պրոլետարական ինտերնացիոնալիզմը և գրոհը տաներ բռնակալության դեմ։

4. ՀԱՅ ԲՈՒՐՇՈՒԱԿԱՆ ԱԶԳԻ ՁԵՎԱՎՈՐՈՒՄԸ

Հայ բուրժուական ազգը որպես պատմական հասարակական կատեգորիա ձևավորվեց կապիտալիստական հարաբերությունների ծագման ու զարգացման ընթացքում։ «Ազգերը,— գրել է Վ. Ի. Լենինը,— հասարակական զարգացման

53 Տե՛ս Բենե, Բուլանբխ կամ Հարթի գավառ, Թիֆլիս, 1901, էջ 66։

54 Նույն տեղում։

55 Տե՛ս «Աղատամարտ», 1910, օգոստոսի 7 (№ 343)։

56 Դեղամ Տե-Կաբապետյան, Տարոնի աշխարհ, պատկերներ պատմվածքներ, Փարիզ, 1931, էջ 41։